

局志

叙纂修姓氏 叙例十二則 縣境全圖 城關市政圖 交通圖

卷一疆域 沿革 位置 附北極出地度數 區域 面積

卷二地理 河流 交通 古蹟 附八景 氣候 附土質表

霸縣新志

辛世奎



金

霸縣新志目錄

叙

纂修姓氏

叙例十二則

縣境全圖 城關市政圖 交通圖

卷一疆域 沿革 位置增北極出地度數 區域 面積

卷二地理 河流 交通 古蹟 增八景 氣候 增土質表

卷三行政 組織 治安 教育 實業 財政 增金融 政略即名宦傳 歷

代職官表

卷四風土 宗教 人口 增外僑 民生衣食住行 禮俗 增習慣交易 歌

謠 方言 物產

卷五人物 仕績 忠烈 孝友 義行 文學 藝術 隱逸 宦者 方外

霸縣新志

目錄

一

天津文竹齋印

寓賢 外戚 列女 節婦 烈女烈婦 孝女孝婦 增歷代各項表

卷六故實 兵事 災異 著述 叙錄 軼聞 增大事記

卷七金石 金 元 明 清 民國 補錄

卷八文徵 疏稟 書議 序述 傳狀 贊誄 詩賦 補錄

民國二十年重修霸縣志序

霸縣志經民國八年續修由邑孝廉崔君汝襄董之文史美備多列表譜體簡而賅讀者皆許其整潔二十年三月奉

河北省政府令徵集各縣志料並附發縣志門類時余宰是邦念霸縣志續修未久無待重修但取以與奉徵門類互有詳略莫能賡送且近年以來雖時日無多而興革頗仍變潰滋多闡幽微綜條理拾遺補闕重修固未可以已也爰召集行政會議決定仍照所徵門類繼前續修在孔子廟民衆教育館院內設修志館督率邑紳及各機關首領組織成立仍聘孝廉崔君汝襄爲總纂并聘定編纂採訪人員復經赴津變賣編遣庫券之第一區代表沈毓奇第三區代表馮光文第四區代表郝世襄第五區代表吳鎮東第六區代表武昌泰第七區代表劉文襄財務局代表張炳昕及縣人王泉等在津熱心勸募集得修志款一千五百元有奇當即積極籌備進行於五月五日開館修纂至十二月竣事草本盈咫余逐一披閱其中間有待於商榷

霸縣新志

序

二

天津文竹齋印

本擬詳加參校以公無餘畧遷延未遑點定現奉命移署武清雖籌定刷印之費然已不獲及身付梓目睹成帙一責之虧思之缺然爰誌概略以待來者民國二十一年十一月三日南皮張仁齋

霸縣新志序

志也者積記其事者也縣之有志猶國之有史史記一國興衰治亂及善之可傳與夫惡之可以爲鑑者而方俗細事則略焉而不必詳志則本闡揚之旨綜山川風尚凡一事之細一物之微推而至於里巷詞謠纖悉無遺見聞必錄體例或有不同而紀述必求徵實則一也江河日下道德寢衰一方之風土人情一代之典章文物以及忠孝貞廉遺聞軼事使不有以志之遷延日久行且湮滅提倡而哀集之冀有以法前哲而示方來則有司之責也雖然羣言龐雜時代變遷一有未當則毫釐千里苟非特具手眼詳慎以出之未可操觚於率爾也近世方志家不乏鴻篇鉅製然如吳氏深州風土記賈氏鹽山新志繼起若雄縣新志體例森嚴足以使後之人資爲參考者蓋不可多得其矣方志之所關綦重而修志之難也霸舊爲州志多散軼民國八年唐知事肯繼修縣志泊二十年省令徵集各縣志料張前縣長仁盞就志料門類召集邑之士紳倡議重修推邑人崔君汝襄總任編纂稿甫竣因事中止二十一年冬延昌奉命卸任徐水移篆是邦檢閱所存志稿規模雖備而編次未終原擬商榷釐定付之剞劂乃以公牘繁冗中間又值時局不靖客軍駐縣境支應事繁重修之舉至此乃復中輟又明年三月始集邦人士重提前議僉意可決乃復延聘劉君悟民爲總纂悉心摻集重爲釐定分疆域地理行政風土人物故實金石文徵凡八門名曰霸縣新志體例嚴整考證精確不啻與吳賈諸記志後先媲美邑乘有光矣是編纂始於甲戌五月積六閱月而蒞事溯自崔君草創迄劉君卒成之日蓋四年於茲夫乃歎一編之成苟非有專精斯道而假以時日則一篲之功良非易易友人曰志紀一縣之事今文獻有備矣盍一效古人輶軒問俗爲實地之徵考乎乃偕二三緣佐策杖登城見夫煙樹萬家金湯巍壯四郊風物相掩映於遠山近郭之間欲問益津關之所在而遺跡已渺不可得其陳諸當前者或爲政教所留貽或則人材所自出樞星金碧則文化之所託也危樓西峙則武庫之所儲藏而志載霸臺舊址也桑麻負郭場圃雜陳則實業所以勸農事也平遠遠暨則水利隄防之所在也

霸縣新志

序

三

天津文竹齋印

凡目之所遇悉志載之所有他日所資爲掌故者也於序國事多艱舉目有河山之感丁茲時會而是志適於斯乎促成之寧可忽視也耶書成付梓爰綴數語用誌顛末民國二十三年十二月撫順劉延昌

霸縣新志

序

四

天津文竹齋印

霸縣新志纂修姓氏

監修 署霸縣縣長撫順劉延昌 前署霸縣縣長南皮張仁齋

總纂兼校對 清學部主事雄縣劉崇本 前總纂清舉人崔汝襄

協修兼編纂 黨部常委郭雲岫 教育局長陳應嚴 財政局長劉恩純

繪圖兼編纂 建設局技術員崔熙燾

編纂 清庠生于文藻 清貢生郝孟鄰 清庠生馮樹荃 清舉人馮孝光

清庠生高世騏 清庠生高樹恩 前區長周 京 清舉人孫廣譽

清貢生牛東漢 清庠生李 焜 清庠生王篤卿 清吏部主事拔貢生

田鴻年 區長訓練所畢業韓詩鑫 商會執委田毓溥 教育館長曹汝

蘭 第一區區長榮樹文 前公安局長錢景星 前第四區區長趙玉琮

採訪 電話管理所主任張文郁 農業推廣所指導員牛彭壽 清庠生孟憲僑

教育局事務員張炳昕 前財務局事務員張鳳文 縣政府科員王世珍

霸縣新志

卷一

五

天津文竹齋印

房杏林 教育局督學張緒曾 何駿德 前公安局課長劉潤之 第一

區助理員田毓琦 前第一區助理員白鳳舞 李 桐 第三區助理員

王宗會 張 榮 前第三區助理員胡春煦 前第四區助理員王博恩

第三區區長郝世襄 前高級小學校長吳振東 第一區助理員陳應春

第四區區長王宗田 第二區助理員劉文襄 前文安縣北一區警佐張

錫光 李德麟 前策城小學校長翟仰之 堂二里馮氏私立高小校長

胡善成 王曾雨 前教育委員趙 沂 畢朝恩 師範講習所畢業胡

靜波 劉杏林 黃沛霖 閻延琮 清庠生趙法湯 王國香 劉承宗

前堂二里高級小學校長李星如 前霸縣黨部常委曹鴻鈞 前公安分

局局員楊景堯 前蘇橋分駐所長陳如愚 前三區區長信 震 前二

區區長李 才 前六區區長張作雲 前七區區長陳 浦 前教育局

長張祐民 前建設局長閻延傑 前財務局長牛松壽

霸縣新志叙例十二則

霸之有志凡七修矣迄今而爲八一修於明洪武初年再修於永樂年間三修於嘉靖間副使周復浚四修於萬歷間知州錢達道其書皆久佚惟見公私各藏書家書目而已五修於康熙十五年知州朱廷梅六修於同治十一年知州周乃大洪武初修稱霸州圖志餘均稱霸州志惟周志則稱重修至民國八年縣知事唐肯修霸縣志而其疆域沿革乃一仍州志之舊以致州縣同等疆界曷分此次雖曰續修而體例則取符縣制以視前志多所變更故定其名曰續縣新志

新志分類一依省府徵集各縣志料門類爲準兼採耆兌之方志考中之體例完善者斟酌損益之規定爲八門曰疆域曰地理曰行政曰風土曰人物曰故實曰金石曰文徵其中子目則視其內容繁簡而殊詳見各門

疆域門其目凡四一沿革二位置三區域四面積沿革類以設治前及設治後分叙未設治前從遠而可稽者起以著縣之屬何郡國設治以後縣原爲州且有領縣何

霸縣新志

卷一

六

天津文竹齋印

時何代而爲散州何年何月而降爲縣此不得不詳考而劃分也位置詳記鄰封交界適用水平距離視舊志之四至八到里數較爲詳確並增記北極出地度數及距北平市之經緯度數以期詳盡區域類與舊志建置類同記城池街道署廨局所及各區公所之地址面積則照最近建設局實地測量之數計算期與實際相符

地理門其目凡六一河流以通流河道爲限其已涸或久淤者則入古蹟二隄工以每年修築者爲限其舊隄已廢而不歲修者亦入古蹟類中三交通分縣道河道橋梁津渡汽車路電話電報郵政路線八項列表明之四古蹟子目凡八曰城寨曰關隘曰署舍曰樓臺曰牌坊曰祠廟曰冢墓曰山川隄淀末增八景流俗以爲邑之名勝也亦備一類五氣候有二至時刻及寒暑風雨陰晴各表則據建設局近年報告增入舊志有土地性質表詳記全境各區土質以於農業有關依類增記於此

行政一門首重組織茲之所載但卽縣政府及警財建教四局與一二三四四區之現狀而言至於逐漸改革之陳跡以及歷次改組之名稱具詳大事記中茲不備載

此外又分財政治安自治教育實業五目以分記四局及四區之施行狀況及辦理成績而已其記述法或圖或表或說取便記錄不以一格拘也至金融則附財政之末黨務則係自治之終以黨治尤自治之指導亦即訓政之實施因以爲行政門之殿非無故也至若名宦列傳章實齋謂爲不宜列入人物特立政略一門方志考頗違其說茲仿其例列入行政門中並增歷代職官表於本門之末

風土門首記宗教分記釋道耶回天主各教徒之人數及其近況盛衰次及人口據最近調查詳載戶數及男女口數而以外僑增焉民生類分叙衣食住行概況禮俗備述風俗習慣交易等項歌謠以有文學價值者及不涉淫猥者爲限方言以通俗及古格言爲限至於物產只取舊縣志所記體式以存其舊

人物門凡分二類一鄉賢一列女鄉賢類略分仕績忠烈孝友義行文學藝術等項他如方外宦官寓賢亦併及之列女則分節婦烈婦孝女貞女各項凡以順應人情維持風化起見不以褒揚與否而有歧視外增選舉封廕等表

霸縣新志

卷一

七

天津文竹齋印

故實門者卽志料所稱之故事而又增以著述軼聞及舊志叙錄之總稱也著述類記作品之存軼其現存而及見者並仿作提要史事則據錄正史所載及舊志所傳之事實爲限而尤以兵事爲重至於軼聞多取舊縣志雜集門所載勿論小說或傳聞凡與志乘有關者均爲採錄此外設治以來之大事記蓋兼采正史及舊州縣志或采訪稿而爲之者亦增於此

金石一門舊州縣志均未之及實與現代方志體例未合茲則盡取舊志文藝中之碑誌等充之其就近搜訪或邑人投贈者補錄於後以著金石編輯體例諗之方來惟以采訪維艱不能遠及是爲缺憾

文徵一門卽舊縣志文獻徵存之簡稱亦卽各方志之藝文錄惟舊志共八册而文藝占其五册實有脛大於股之譏茲既將舊有傳略列入鄉賢類中所餘各詩文附分疏稟議書序述傳狀贊誄詩賦六目以括之其有續行補錄者並增篇末不另分類也

此次修志託始於民國二十年張公范卿任內然止據省頒志料採訪成冊本年五月奉撫順劉公溪清之招始行着手纂輯自疆域沿革區域古蹟以及故實各門類多自出手眼外其餘各門均卽訪冊及舊志稍加排比或補充之凡六閱月始獲脫稿自慚僭妄兼恐疎漏邦人君子諒鑒是幸

民國二十三年十月初十日雄縣劉悟民識

霸縣新志


卷一

八

天津文竹齋印

霸縣最近實測詳圖

中華民國二十三年八月



備考

一、沿革 霸縣古稱州之北界以滹沱河為界... (Historical background of the county)

二、位置 居本省之北極接懷慶兩省... (Geographical location)

三、面積 全縣面積共計一千七百四十七平方里... (Area statistics)

四、人口 全縣人口共計十五萬一千七百二十六... (Population statistics)

五、村莊 全縣共計二百八十三村莊... (Village statistics)

六、飛地 飛地又名插花地... (Flying land explanation)

七、市鎮 全縣共計八鎮... (Market towns)

八、自治區 全縣共分四區... (Administrative divisions)

九、公路 全縣共分三區... (Road network)

十、教育 全縣共分三區... (Education system)

十一、水利 本縣根據測繪所... (Water conservancy)

十二、地籍 本縣地籍... (Land registry)

十三、度量衡 本縣度量衡... (Weights and measures)

十四、其他 本縣其他... (Other information)

○	垣城	⊠	為案	⊏	梁橋	——	堤防	——	鐵道
●	鎮市	⊡	所駐分	⊐	梁橋	——	堤防	——	鐵道
⊙	鄉	⊠	所出派	⊑	梁橋	——	堤防	——	鐵道
⊕	村	⊡	所出派	⊒	梁橋	——	堤防	——	鐵道
⊖	所公區	⊡	所出派	⊓	梁橋	——	堤防	——	鐵道
⊗	所公區	⊡	所出派	⊔	梁橋	——	堤防	——	鐵道


製印齊竹文街店鍋津天

尺之一分爲十
1000 500 200 100 50 20 10 5 2 1 0 10 20 30 40 50 60 70 80 90 100 米

霸縣建設局技術員崔照殿測繪

霸縣城關政實圖

中華民國二十三年十一月



	回
	正
	文
	林
	門
	橋
	路
	田
	園
	學
	廟
	祠
	塔
	塔
	碑
	志

圖說

一、城垣長度 縣城垣周共長六又九分之四里計南面長三百九十五丈北面長三百四十五丈東面長二百五十五丈西面長一百七十五丈

二、城關面積 城內面積共計一四〇〇畝(街基約占全城〇.五七)東關廟街面積約占四一二畝北關廟街面積約占六二八畝南關廟街面積約占六二八畝

三、吊橋名稱 東門外曰普濟橋北門外曰迎恩橋南門外曰文明橋

四、城關戶口 城內四百四十戶東關廟街八十六戶北關廟街七十五戶南關廟街五十五戶

五、精度 本圖係依據測量法作圖根據測量板測圖法定碑部以磁石之子午線標

六、總理紀念林 民國十八年三月奉 令成立面積三畝

七、苗圃 民國十八年三月奉 令設立面積八畝

八、農場 民國十九年六月奉 令設立面積十七畝

九、高糧黑豆河(即通濟河)起於范家口與會同河通引清河逆流之水經橋後而折東過開王堂至東關與城河接現河形存廢不一若將該河疏濬則津保商船運道城下不但本縣商業振興更可為西北相鄰諸縣貿易之中心點此誠為民生之大利也

霸縣建設局技術主任崔照澗測繪

霸縣新志卷一

疆域

沿革

攷霸縣舊志成於民國八年縣知事唐公肯所載沿革全采康熙州志志爲康熙甲寅年知州朱公廷梅修其時霸縣猶爲直隸州制領文安大城保定三縣故其志沿革也綜合屬邑之地言之與今之縣境面積其大小廣狹蓋不可以同日語矣茲篇所紀凡州之關於縣者必考其原而縣之別於州者尤致其謹大抵在縣言縣務求適合分際而已先志後表並增舊表於末以備參攷

霸縣疆域自古迄今其沿革之跡亦至不一矣巨馬濬淀久著桑經綠邊塘濼仍詳宋史是知地爲澤國代有明文故其建州設治獨較鄰境爲晚隋唐以前既難指一州一邑之地以爲其主名周宋以後尤易以或併或省之故而迷其初地昔之縣志沿襲州志未設治前統以所屬縣之既設治後仍以屬邑係之名實混被經界奚由

霸縣新志

卷一

九

天津文竹齋印

而正蓋必先有爲之屬者而後所屬之名始能成立亦惟有爲其所屬者而其屬邑之界尤必劃清使不先明言爲某縣之地而但稱爲或屬冀州或屬幽州吾不知爲之屬者果何所指矣至謂周代屬北燕國說亦無據王存九域志云霸州有南關城趙武靈王所築時則縣境應爲趙有及趙孝成王十九年趙以臨樂與燕戰國時之臨樂卽漢志之臨鄉亦卽今固安縣南五十里之臨城鋪順天府志謂臨或作林音近而譌是已其地南與霸縣接界彼時縣境宜屬臨樂史無明文耳厥後未及五年趙李牧伐燕拔方城方城在臨城北臨城在霸縣北方城歸趙縣境屬趙無疑秦始皇滅燕分其地置五郡遼東遼西漁陽右北平在東以其西陲爲上谷郡縣境宜屬上谷郡太平寰宇記云霸州今理永清縣本上谷郡地是其証矣

右戰國迄秦

漢高帝六年分燕郡置涿郡領縣二十九其二十曰益昌縣實占霸縣今境之大部其故城在今縣東策城鎮余別於益昌故城考增古蹟篇彼時縣境西部蓋兼有平

曲侯國地漢書功臣表平曲侯公孫渾邪以將軍擊吳楚用隴西太守侯以景帝六年四月己巳封方輿勝覽渾邪降漢景帝封爲平曲侯既卒葬於此俗名花達墓今其地在臺山里東五里亦稱平曲村云此與益昌故城皆在今境且皆有實地可指則縣境兼有此二縣地無疑舊志但云漢屬涿郡益昌縣所謂知其一不知其二者也至於後漢縣境兼有安次縣西南境及方城縣南境文安縣北境地考漢書地理志注益昌縣後漢省爲安次縣屬廣陽郡水經注引地理風俗記曰方城縣東八十里有益昌故城時安次已改稱安城縣猶未廢不曰安城縣境而曰方城縣東是益昌兼入方城之證後漢郡國志不詳著之是其疎也平曲併入文安漢志雖未明言然考魏書地形志有云文安縣有平曲城是平曲併入文安之明證矣文安縣後漢屬河間國

右兩漢

兩漢以後獨安次至後魏改曰安城至隋又改安次方城至北齊入涿縣隋於方城

霸縣新志

卷一

十

天津文竹齋印

縣地置固安縣文安在魏晉均屬章武國後魏屬章武郡至隋改屬瀛州然此特縣名及各代所屬不同耳至其分轄霸縣今境固未之或變也舊表乃謂霸在晉爲章武國地後魏爲章武郡地北齊爲文安隋爲瀛州凡此錯謬皆由文安既隸屬章武章武又罷入文安而誤不悟章武一名耳而地則有三郡與國既不同縣與縣亦有別因茲發生誤會遂爾演此淆譌烏足怪乎是宜正已考章武國魏武帝分河間渤海所置領東平舒今大城縣文安今章武縣東州今河間地四縣後魏改章武國爲章武郡孝文帝太和十一年改章武縣屬浮陽郡孝明帝正光中又分滄州置西章武縣仍屬章武郡以在章武之西故名故城在今大城縣西南地名舊鎮是章武之名同時有三一爲郡而二爲縣北齊罷章武入文安以屬河間郡罷者西章武縣非罷郡也直謂北齊爲文安得乎至章武郡隋初始廢時文安所屬之河間尙爲瀛州故又直謂之隋爲瀛州是直以屬邑當本州不知本州自有專境也統謂之屬章武得乎且當時本州屬邑又有永清信安及保定不僅文安也亦皆謂之屬章武得乎若統謂

霸州爲章武屬地則章武東州亦將爲霸州屬地乎質之州志當局將何能自圓其說乎唐武后如意元年析安次西境與固安東境置武隆縣睿宗景雲五年改曰會昌玄宗天寶元年又改曰永清由是霸縣今境專爲永清南境之益津關及淤口關地屬幽州石晉天福中以十六州賂契丹縣境乃入於遼此霸縣未設治前其併省分合之大略也

右三國迄五季

周世宗顯德六年取永清之益津關置霸州治永清縣並以鄴州之文安瀛州之大城來屬於是縣境乃有專名宋亦曰霸州至仁宗景祐二年乃廢永清縣徙文安縣於永清縣爲州治皇祐元年文安復還舊縣仍爲州治此時縣境所轄專地向爲永清南境者一變而爲文安北境矣至徽宗政和三年賜郡名永清然祇賜名耳非升州爲郡也永清一縣遼宋分治然霸州亦止得其南境一帶地耳寰宇記詳列州之四至云西北至當州永清縣界宋村二十五里東北至當州永清縣界孟村三十里

霸縣新志

卷一

十一

天津文竹齋印

是時永清未入文安宋之所有不過如此至眞宗景德中與契丹定和議以白溝河爲界今北關一里古草橋關界河卽其遺蹟是則版圖愈小故不久而入文安矣章實齋先生方志專家其志永清縣沿革乃云北宋景祐以前永清仍周之舊景祐以後永清併入文安縣地至徽宗宣和四年文安尙隸燕山府則似以宋之霸州應有永清全境者此亦智者千慮之一失矣

霸當置州之初名雖領有三縣實則除文安大城不計外本州之地曾不及今日一縣之大何則縣屬之信安鎮舊置破虜軍軍制同州東西轄地約九十里而在當日猶未入霸之版圖也軍爲古淤口關周顯德六年於此置寨宋太宗太平興國六年置破虜軍割霸州永清文安大城三縣三百一十七戶屬焉景德三年改信安軍金世宗大定七年降爲縣來屬宣宗元光元年四月升爲鎮安府金史地理志云所以重高陽公張甫蓋是時河北諸城多降於元獨信安猶爲金守者垂十年至是守將張甫請賜郡名以爲重從之然不久以力盡降元元遂廢縣以入州沿至於今未之

或改獨其轄地較今爲大試卽太平寰宇記及元豐九域志所載當日之疆域分載於左以備覽焉

寰宇記破虜軍之四至八到 九域志信安軍之地里

南至東京一千四百里 東京一千四百里

西南至西京一千六百五十里 東至本軍界八十五里自界首至乾寧軍一百

西南至長安二千五百里 五十五里

東至狼城口三十里 西至本軍界八里自界首至霸州四十二里

南至文安縣五十里 南至本軍界二十里自界首至霸州五十里

西至霸州五十里 北至薊州一百六十里

北至幽州二百里 東南至本軍界二十里自界首至霸州七十里

東南至大城縣八十里 西南至本軍界三十五里自界首至保定軍三

西南至平戎軍七十里 十五里

霸縣新志

卷一

十二

天津文竹齋印

西北至界河三十步 東北至幽州一百八十里

東北至界河三十步 西北至幽州一百八十里

金海陵王貞元二年以霸州屬中都路世宗大定二十九年置益津縣徙州治益津

元初省信安來入中統四年省益津入州是時州境最大可當今之縣境又東安於

太宗七年固安於憲宗九年均一度來屬然均不久改屬可不數也及至元二年改

置益津縣省保定縣入益津四年復置蓋自此以至清初保定與文安大城皆爲霸

州屬縣明洪武初省益津入州以霸州屬北平府後屬順天府清初因之雍正六年

改文安大城保定直隸順天府由是直隸州降爲散州民國二年改州爲縣改順天

府爲京兆特別區以縣屬之州之名始廢而其專轄之地如故十七年遷都南京廢

京兆特別區改直隸爲河北省而縣屬焉此則設治以後霸縣沿革之大略也

右周宋迄民國

總之五代以前尙無縣境專名必須博考鄰封以定縣界然不得涉及州之屬邑往

復糾纏致招喧賓奪主之嫌置州之後尤宜特詳專地雖有各縣先後來屬祇宜著其併省之跡以及改隸之年不惟屬邑宜與本州專境劃清實則州境尤宜與今日縣境對照何也志蓋爲縣作也使不願舊州今縣之區別而猶襲彼陳言遵爲定例劍去久矣刻舟求之不愈遠乎卽今而談縣境欲求其最遠而實可稽者宜莫如以郡縣時代爲起點茲故斷自先秦下迄民國表以明之

霸縣歷代沿革表

秦 上谷郡地

史記秦始皇二十一年滅燕以其西陲爲上谷郡水經滌水注引王隱地道記郡在谷之頭故以上谷名焉

漢 涿郡益昌縣兼平曲侯國地

水經注云巨馬河又東南逕益昌縣滌淀水右注之水上承滌陂於臨鄉縣故城西東南逕臨鄉城南是巨馬河甫入益昌縣境卽有滌淀水右注之右者西也滌淀在臨鄉西是益昌縣境已抵臨鄉西矣又云淀水又東南逕益昌

霸縣新志

卷一

十三

天津文竹齋印

縣故城西南入巨馬水巨馬水又東逕益昌縣故城南漢封廣陽頃王子嬰爲侯國王莽之有秩也地理風俗記曰方城縣東八十里有益昌城故縣也觀於巨馬水於臨鄉西已入益昌縣境臨鄉在方城南而益昌又遠在方城東八十里今爲策城鎮是益昌一縣其東西幾等霸縣全境大可知已若平曲侯國不過占縣境西南之一部耳

後漢

涿郡方城縣南境廣陽郡安次縣西南境及河間國文安縣西北境地

後漢書郡國志涿郡有方城縣隋改固安縣寰宇記益昌故城在今固安縣東南五十里後漢省併入方城今後漢志不載祇云廣陽郡有安次縣省益昌來入文安前漢屬渤海郡後漢屬河間國寰宇記謂和帝二年置瀛州縣屬焉非也史記正義曰平曲縣在瀛州文安縣北七十里順天府志云瀛州文安東北之平曲縣當卽瀛州之平曲城